

# سازمان اسناد و کتابخانه ملی

س ۱۳۳۰

آبونه شرائطی : هر روز  
 ایچون سنه لکی (۲۷۵)  
 آلتی آیانی (۱۵۰)

نسخه سی ۵ غروشد .  
 ایکی نسخه برآراده  
 (۱۰) غروشد  
 سنه لکی ۵۲ نسخه در .

اداره خانه : باب عالی جاده سنده  
 رشید افندی خائنده

اخطارات  
 آبونه بدلی پشیندر .

مسئله موافق آثار مع المثنوی  
 قبول اولنور . درج ایدله بن  
 یازیلر اعاده اولنماز .

آدرس تبدیلنده آریجه  
 غروش کوندرملیدر .

مکتوبلرک امضاری واضح  
 و اوقوناقلی اولسی و آبونه  
 صره نومروسی محتوی  
 بولونمسی لازمدر .

ممالک اجنبیه ایچون آبونه  
 اولانلرک آدرس لرینگ  
 فرانسه یازلمسی رجا اولنور .

پاره کوندرلدیکی زمان نهیه  
 دائر اولدینی بیلدیرلمسی  
 رجا اولنور

اتبعون اهدکم سبیل الرشاد

صاحب و مدیر  
 اشرف ادیب

باش محرر  
 محمد عاکف

والله یهدی من یشاء الی صراط مستقیم

اجتماعیانه غریبیلر و بوزغورجیلر :

## نسل حاضرک وضعیتی

استقبالک حیات و انقلابانده الهم وظیفه یی ایها ایده جک اولان نسل حاضرک بوکونکی وضعیتی ؟ متین برسجیه ایله مستقر بر هدف اجتماعی تعقیب ایده جکنه قوی بر قناعت و پرمامکده در .

مختلف عوامل و تأثیرات ایچنده توجه نقطه لرینی تعیین و تثبیته مقتدر اوله میان نسل حاضر آواره و بی غایه بر مشی ایله مفید و مضر هر یکی جریانی امتصاصه مستعد کورونیور . حالبوکه هیئت اجتماعی من هر شپیدن اول شعورلی ، مدرک ، حرث دینی احاطه ایتمش بر کنجلیکه محتاجدر . محیط و شرائطک تبدیلیه متوازیاً مظهر انکشاف اولسی لازمکن کنجلیکک الهمیتسز اجتماعی جریانلرک انحالزندن متأثر اولماسی ، بسیط القائله تبدیل استقامت قابلیتینی ابراز ایلمه سی بک زیاده جالب دقت و تأثر در .

تورک کله سی اول امرده اسلامیت مراد فی اوله رق قبول اولمشدر . بنسأ علیه : تورک کنجلیکی ، مسلمان کنجلیکی دیمکدر . وینه اسلامیتده دین و مات مفهوم لرینک هر ایکسی بر اولدیغندن وظائف دینه و ملیه متحد بر حالده بولونمده در . حیات فردیه و اجتماعی نك تجلیاتی اعتباریه بو وظائف اعتقادی ، شرعی ، اخلاقی ، اقتصادی ، علمی الخ .... بر چوق صفحاتی احتوا ایدر .

کنجلیکمز معتقد و دیندار اولمالیدر . حیاتک ال بو یوک غایه سنه ایرمک ایچون تعقیب اولوناجق ، متین برسجیه نك استحصاله خدمت ایده جک بول دین یولیدر . دین اسلامک احتوا ایلدیکی جهانشمول حقیقتلر مواجهه سنده سرزیه نك تعظیم اولیه جق بر عاقل تصور ایدیله من .

ال بدیهی و مثبت بر حقیقتدرکه : دینسزلر ، سجیه دن محروم ، ضرورات و منفعت اجتماعی و عائلیه حسلرندن متجرد ، ضررلری هر نقطه نظر دن فعلرینه غالب متردیلردن عبارتدر . بشریتک صفات کاشفیه ، تعقل ، تمیز ، و برضایه تعیینندن باشقه برشی اولمادیغندن حیات و مکنوناتی بوتون مناسیله نسبی عد ایدن بر دینسز ایچون غایه دخی مفقوددر . دینسزلر ، دائمی بر قرارسزلق ایچنده حیاتک ، محیطک مناسینی ادراک قابیلیتی اولان خواص انسانیه لرینی بالذات مفلوج بیراقشلردر .

حسیات دینه دن محروم بر شخص انسانیت مفهومک خارجنده یانئادینی کی بویله بر هیئت اجتماعیده صدمات و انقلابات عصریه ایچنده دوچار انهدام اولور ، باعث سعادتسز اولان دین مینمزک احتوا ایلدیکی

حقایق و فضائل علویه واک نزیه و دقیق بر حس ایله کوستردیکی خلاص و نجات یوللری بوتون انسانیت ایچون سعادت و سلامت دارینه منتهی برر شعله در .

دیندارانه و متین برسجیه یی قیلرندمه طاشیبیان اجدادیمز [ که عثمانی و اسلام تاریخنک ال محترم شخصیتلریدر . ] حرث لرینی بوتون دنیا یه طانیتمش ، نفوذ مادی و حکمرانی لرینی اوروپا و آسیانک اورته لرینه ، آفریقانک هر طرفه آنجق دین اسلامدن ملهم بر قوتله نشر ایده بیلمشلردی . عرب - تورک ، اندلس ، هند مدنیتنک بوکونکی انقراضی بیله ماضی به عاندک ایی انطباعاتلری تولیده کافیدر . اسلام عالمی احاطه ایدن بوکونکی سقوطک اسباب و سوائقی میاننده اساسات و عنعناتسزک ، مدنیتسزک روحی خلافتنه واقع اولان حرکاتک برنجی صردی اشغال ایلدیکی غیر قابل انکاردر .

عصرک افکار و تلقیات فلسفیه سی نه قدر متلون اولورسه اولسون اسلامیت دائمی صاف و تازمه بر روحه و قطعیتک فوقنده متبازل بر حقیقتنه مالک اولدیغندن هر وقت ایچون ضیادار قاله جقدر .

مسلمان کنجلیکی اوزاقلاشدیغی دینه ، محلنه مصروف و مشغول بر عزم ایله صارلمالیدر . کنجلیک عقیق فلسفه لر دن ، سفاهت اوچاقلرندن ، غیر شعوری بر تقلیددن قورتیلهرق جامع لر سزک صاف و روحانی قهرلی ، محیطسزک معالیاتی ایچنده اسلامیت روحیه یوکسلمه لیدر .

آرتق ادراک اولونمایدرکه : مدنیت ، فلسفه مدنییه بول مسکراتدن ، سفیل قادینلردن ، ظاهری بر تراکت و مراسمدن عبارت دکدر . علم و فن ، ظواهر حیسانییه ، تلقیات وجدانییه یکدی بکردن بک آری شیلردر . سائر مدنیتلری تمثیل سورتیله ده اعظمی منفعت تأمین ایلدیکنه شبه اولمیان اسلام مدنیق هندسه ، جبر ، کیمیا و حکمته عاند اولان انکشافات و کشفیات دینسزلرکدن اقتباس ایتامشدر .

قاج ، مالک شرقیه و غربیه نك مرکز عرفانی اولان دارالفنونی غربی تقلید ایده رک احداثه چالیشمشدی . داهسا یوز سنه اولنه قدر لوازمات جدیددن احتیاجات شخصییه قدر هر جنس لوازمک کندی و سائلمزله استحصالی ممکندی . واقعا اوزمان هنوز ما کنه لر یوقدی ؛ فقط اجدادیمزک ال دستکاهلریله یابدقلمی ایشلری غربک افکار فلسفیه و مدنیت ظاهره سیله پرورشیب اولدیغمز زماندنبری وجوده کتیره بیلدکی ؟ هانکی متخصصسز اللی درهم غارتصیفیه ، هانکی منورمن بر تک کبریت اسمال ایده بیلدی ؟ بوتون دنیایی بسلیه جک بر قابیلیتی عصرلرجه محافظه ایدن اناطولی زراعت و فلاحتجه قاج آدیم ایلرولیه بیلدی ؟ مملکتیمزده کی اساسلی کوریلری و حق یوللری ، مؤسسات خیریایی ، جامعلری ، چشمه لری ، مدرسه لری طعماخانلری ،

عنايتزه تايد هر شيشي بيقيمق ايسته مكله برابر يرينه هيچ بر شيشي  
اقامه ايتمه مقتدر اولامايشمزدر . جهت خصوصيتي واستناد ايتديكي  
منافع دوشونلكسزین لاعلى التمين وغير شعورى بر تقليد دن قازا -  
نيه حق يكانه مثبت نتيجه ضرردن عبارتدر . بوبابده على الاطلاق  
برقاج مثال ارادى ناقدر شايان مرحمت برحاله كلديكمزى اثباته كافيدير .  
مثلا طرز ملیده مفروش اولان اوطنه وصالونلرمزى ذوقسزلك  
اسناديله آلافرانغه حاله قلب ايتدك ، وبوندن كويا بديعي بر حس  
دويدق . فقط ينه بوكوزل شيلرى بيكلرجه مقروبلرله ملمع سوراق  
فوطيلرمزله تلويشدين چكمنه دك . دوشونه مدك كه : اولاسوقاقرمزى  
تميز بر حاله كتيرمك ، صكروده ولو كه صوك درجه ده تميز اولسون  
مقروبدن تجرد نممكن اولوب اولديغنى تعين وثبت ايتك لازمدر .

اسكى تعليم وتربيه ي كهنه لكى بهانه سيله بكنمنه دك . لكن بو قدر  
منورلرمز آراسندن قاج غيرتلى چيقدى ده بش اون محله مكنتي كشاد  
ايد بيلدى ؟ بونلردن باشقه بوتون معرفتمزك نظريات واديسنده  
دولاشديغى ، فقط نيك وبديغى تفريق ايتدك ساحه فعله ايصاله كافي  
مناات اخلاقيه وسجيه دن محروميتمزى اثبات ايدمك دهها يوزلرجه  
مثال موجوددر . بوملت ، بوملت اسلاميه در . كنديسنه مخصوص  
بر حياتى ، بر تاريخى ، بر مدنيتى ، الحاصل هر شيشي واردر . بوكون  
كندى ادرا كسزلكمز دولاييسيله تدنياته دوچار اولان مدنيتمزى ينه  
كندى اساساتز داخلنده اصلاحه مجبورز .

ژاپونيايلر ياريم عصر ظرفنده غربك بوتون ترقيات ماديه سنى  
اخذ واقتباس ايلديلر . فقط برژاپون دكل عنعنات وروحى ، اخلاقى ،  
حتى قياقتى بيله تبديل ايتمده . اك متكمل بر روح وانسانيت  
شعورينه مالك اولان اسلام اساسات وعنعناتك بيوكلكى نزه هر زمان  
ايچون كافي بر منبع حياتدر .

كنجلمز عموميته مسرفدر . انه كچن بر مبلغك [ولو كه جزئى  
اولسون ] قابليت استحصاله سنى غير مدر كدر . دها بشيكدن اعتباراً  
قولاقلى دولدوران مأموريت منقبه لرى كنجلكى باب حكومت  
اطرافنده طوبلامشدر . مأموريتيه كوستريلن بوضف وانهماك بوتون  
كنجلمزى تشبثات شخصيه قابليتدن محروم براقشدر . باخصوص  
مأموريت ذهنيق قابليت روحيه ي اعلا ايدمك بر درجه ي اصيلا  
كوسترمامشدر . شرفسز وملته بار اولان بر حياتك يرينه آلن تربيه  
قزائلش بر سبك قائم اولديغى كوندر كه كنجلك روح وعنعناتى دها  
چوق سوه جك ، دها چوق بنمسيه جكدر . كنجلك ، اسلاميتك  
قماشديريجى نور وعرفانى ايچنده بوكسلملى در كه عنزم وجزميه ، هدايت  
الهي ايله بشريته اك بوكسك مدنيتك ، اك جلى حقيقتك انوارينى  
سره مكه موفق اولسون .  
حسن حكمت

خانلرى ، حماملرى ، صوبوللرى اجداديمز يامشامش اولسه لردى  
بوكون شمار ملي اظهار ايدن هيچ بر اثر ميدانده بولمازدي .  
شو حالده هر زمان علمى ، اقتصادى اك بوكسك ترقياتى امر ايدن  
اسلاميت مواجه سنده كنجلك متفكر اولملى ، ظرفى دكل مظروفى  
كوره بيلمك لياقتى قازا ملىدير .

ماضيه اولديغى كى حال واستقبال ايچون عوامل موفقيت ،  
مسلمان كنجلكك روح اساسيمز داخلنده كى تجلد ومتاننده متجلد .  
كنجلكك اك بيوك وظيفه سى عنعناتيه مقدساته بحق مربوط اولمقدن  
عبارتدر . ترقيات و تعالياتك هيسى بو محصله يه تابعدر . سر موفقيت  
آنحوق بو نقطه ده در .

مسلمان كنجلكى صاف وتزيه بر اخلاقه مالك اولملىدير . منانت  
ورصانت اخلاقيه مجمله حيات ايچون اك مؤثر بر سلاح ، شخصيتلر  
ايچون اك سجيلى ، صادق بر آرقداشدر . مكارم اخلاقيه مالك  
اوليان بر كنجك مكتسباتى محله صرف ايدميه جكى كى ، شخصه وهيت  
اجتماعيه قارشى فائده لى بر عضو اوله ماز .

مع التأسف صوك نسل بو واديه شايان غبطه بر حالده بولمايور .  
صنوف سائر يه نسبتله مسكرات استعمالى ، سفاهتخانه لره مداومت ،  
عهده وفا سزاق ، لاقيدى ، خودبيني ولزومسز بر تفاخر كى رديشه لر  
نسل حاضر آراسنده سهولته بر موقع قبول بولديغى كورولمكده در .  
كيتدكه متبازر بر شكل آلان بو ترديات ، هر حالده استقبال  
ايچون خيرلى بر علامت ونسل حاضر ايچون ده موجب شرف برشى  
تشكيل ايتمز .

متين بر سجييه مالك اولمق ايستين كيمسه لر هر شيدن اول  
تربيه نفسك يولنى بيلملىدرلر . ناصح اولان مطلقا متصح اولملىدير .  
بناء عليه : مسلمان كنجلكى نفسنده ، حر كاتنده ، محا كه سنده اخلاقى  
براصطفا وجوده كتيرملىدير .

اساسات وعنعناتى ، عرف وعاداتى حقير كوره رك باشقه ملتله  
تمل ايدن بر هيت اجتماعيه ايچون محو وانقراض محققدر . تاريخ  
ايك دورلردن باشليه رق بيوك بر سلسله حالنده بومتعارفه ي يوزلرجه  
دفعه تكرر ايتمشدر . بوبدهات ميدانده ايكن نسل حاضر شخصى  
تميل ايدن اوز محيطدن منفردر . حس وروحزه يابانجى اولان  
غير مونس كوره نكلرله شخصيت مخصوصه سنى غيب ايتمكده در .

اساساً منورلرمز بو تقليدده غربك علوم وفنون مثبت سنى دكل ،  
تلقيا تمزك ، جسمزك عكسى اولان شكللرى اقتباس ايتمش اوليورلر .  
نورى شكله عايدظن ايدمك منفعت اجتماعيه ملاحظه سنى ترك ايدنلرله  
محيطه قارشى بويوك بر جنابت ايشله دكارينه شهه بو قدر .

مظهر ترقيات اولمى ايسته مين بر مسلمان بو قدر . فقط ترقيات  
ايله ترديات بديكرينه قاريديرلما ملىدير . محقق اولان برشى وارايسه ،